

天水縣志卷之三

民族志

振衰救亡首在昌族天水漢回雜處民性質樸古有材武之稱自兵荒薦臻徭賦繁重文教失而禮俗變簡陋者漸趨為奢靡剛健者浸化為柔弱淳謹者遞降為澆漓他日輪機輻輳蔚然都市因時尚以謀角逐赴國難而資于城勢必瞠乎其後矣有心人不可不預為之圖也志民族第三

戶口

小司徒之職迺均土地以稽人民而周知其數溯古尚矣近世列強以人口之增減視國之盛衰小至一鎮一邑之繁榮無不繫焉現行烟戶門牌非不善也而公私均不重視僅推行

天水縣志

卷之三

一

蘭州國民印刷局排印

城市為媒利之一端簡且陋矣求一詳確之數終不可得民初境內居民共六萬六千三百三十戶有奇丁口共三十四萬六千六百五十有奇自經歷年拉兵饑疫匪害戶銳減近亦所增無幾茲就二十四年調查之數列統計表於次

天水縣戶口統計表

鎮鄉別	戶	數	人	數
天靖鎮		七九七九		三二六三五
渭南鄉		一〇四八三		四三五五九
渭北鄉		五七七一		二七八二六
大興鄉		七七四七		三六五〇六

青白鄉	四五五六	一三八九五
藉源鄉	八〇三九	四九九七四
三陽鄉	一一〇四三	六九二七〇
新豐鄉	九〇〇八	四六九七九
利川鄉	三二四三	一三八八九
總計	六八五六〇	三四三五三三

天水縣志 卷之二

宗教

佛教 屬臨濟正宗派清設僧正司一緝理闔境佛事盛時僧衆四五十人分住瑞蓮寺會福寺同仁寺陝西會館山西會館南郭寺三台寺水月寺靈源寺等處多名僧道行甚高嘉慶二十五年放戒於瑞蓮寺道光十三年於南郭寺咸豐二年於同仁寺民國以來城內寺院多改建學校重以地震兵燹之傾毀若三台寺靈源寺漸成邱墟其徒又不能守清規剃度者甚少勢淩衰今僅十餘人以唵誦經咒理懺度亡爲事廟產山地四五十垧取給衣食子嗣單弱者或削髮爲徒三年或拜僧爲假父

道教 屬龍門正宗派十八代開山祖師盧梁馬三真人居城北玉泉觀當明代之末俗傳多著靈異蹟清設道正司一理教內事盛時羽流百數十人能誦經建醮者十之二三民

國六年道士李教敍受戒於西安八仙菴今教徒十三人主持玉泉觀藥王洞泰山廟朱爺廟祈禳懺度外奉祠募緣而已商書山地二十餘畝自耕

回教 居縣城者中城台子百餘家西關東北保四十餘家南湖後砦四十餘家北關穆家坑八十餘家四處各有禮拜寺一爲集合誦經之所合之四鄉村鎮零星居住者不過四百餘戶其來歷約在宋末元初之際文教風俗習於漢化尙儒學多有聞人生計營業亦略無隔閡惟通婚媾者甚少飲食末節有所禁忌舊有清真小學一處今則學子分授各校焉

耶教 邑之有福音堂在清光緒七年大擾之後有英國教士馬某藉賑濟名在北關菜園購地一區建堂傳教後於北關又分立女教堂一處中城講道堂一處施醫給貧勸誘入

天水縣志

卷之二

三

蘭州國民印刷局排印

教嗣中華基督教成立乃於民國十七年由教徒吳寶瑛等召開代表會議組織自立會脫離外人羈軛今以東北鄉最盛北鄉熊集寨吳家莊張家石灘雷王集東鄉甘泉寺街子鎮各有教堂一處教民鄉城共約四百一十餘人城內設家庭醫院二三教徒合組者也

天主教 天主教視福音較晚始於清光緒二十八年東關購置民房建築教堂土木大興歷年不息今則甲第雲連矣住主教一掌理隴南各縣教會事神父亦稱司鐸十德籍九一則本省武威人也皆終身不娶者次曰修士德籍三奧籍一終身不嫁者曰修女德籍九奧籍一教民全縣約二千二百有奇教堂七處城內東關爲總教堂西關石頭巷東鄉馬跑泉甘泉鎮北鄉熊集寨石佛鎮沿河鎮各有分堂所分堂各設初級小學一處總

堂設中學小學二處課程西文經典與華語教科相半總堂對隣有大規模之醫院堂內有育嬰堂紡織廠園林墳墓悉具入其中幾疑置身異邦焉二十三年與地方小有齟齬醫院毀而再興學校悉停此外尙有神召會懸刀會等爲彼法歧中之歧又有類似道教之吃齋把素者近似佛教之誦經靜坐者曰理門曰普渡曰同善社曰一善公所微細無足誌矣

風俗方言附

一衣食住 衣食住向敦簡樸城市衣裝近趨時尚婦女多剪髮習於奢費鄉村仍百年舊習衣服寬粗用土布芒鞋不韜食品以黍稷蒿麥最多鄉城居室多用磚石土塊蓋成層樓高閣及西式廳廈曾不數觀也山居之民冬季多用羊毛製氈爲衣縫牛皮爲履實以

天水縣志

卷之二

四

蘭州國民印刷局排印

麥草夏季則粗布之衣亦不多有孩童至有赤身露體者山陬偏遠則陶居穴處卽有房舍亦多編椳爲籬貧寒之情於茲可見

二祭禮 民間祭禮頗繁每歲元旦黎明起淨室鮮服以酒肴香楮致祭祖禰初三日展墓焚楮錢十五日獻元宵曰元宵節清明節備紙錢香燭奠於墓並培土於塚曰拜掃族大而祠者復祭於祠設酌徧聚親族藉展序齒之禮則謂之清明會惟新葬未及三年者於春分日祭之不培土端陽節有角黍豆糕之祭六月六日天未曉具綠豆湯奠於墓家中婦女焚紙錢哭於門俗名潑湯七月望日有盂蘭會公延僧道誦經於城隍廟置紙船燈籠於河曰放河燈近歲多不行八月望日以月餅瓜果獻月十月朔新喪者焚紙裳於墓曰燒寒衣臘月二十三日旣夕以鳴鷄一按歲之閏否作炊餅十二三飴糖數事祭竈

賽神則正月初九日稱玉帝誕賽於城北玉泉觀東關民復有朝山會擊幡幢盛鼓吹念頌神詞十六日伏羲誕辰賽於伏羲廟以紅紙剪人形貼柏樹上炷艾數壯曰灸百病四月八日浴佛節賽於南山南郭寺會福寺未毀時則懸佛畫誦經一日主鄉邨春秋報賽或禱雨取湫多延巫跳神用刀釐額出血以示誠敬者近年漸少亦進化之一端

三喪禮 斬衰用粗白布旁及下際不緝復以粗麻布二襲巾用粗麻布首絰用細麻繩兩條束之耳際垂棉丸各一俗曰麻冠腰絰用粗麻繩履用粗白布加以粗麻布杖用柳木粘紙條蓄髮蔬食面不浴婦人服用粗麻布一襲腰絰用麻辮不杖餘與男同齊衰杖期不杖期用粗白布旁及下際緝之首絰以紉麻繩一條束之齊衰五月三月服麻布一襲首絰及履用白布大功服麻布一襲小功服總服不加麻五月三月服同外親巾用麻首

天水縣志

卷之二

五

蘭州國民印刷局排印

絰用白布近年公務人員有習於新制臂纏黑紗以爲服者鄰親友來弔三日成殮晚設香燭於窆謂亡者投竈七日領帖酬以酒肴殯日來送首七前夕葬期越前夕設奠於堂延賓相禮用三闔戶鄉賢周小泉參酌文公家禮制定者也既葬行安主禮於室士大夫間有行虞禮者喪事畢三期行禫祭禮如葬時致賓客親友多製錦爲文以頌亡者主人踵門叩謝貧者儀禮從簡不盡如是也

四婚禮 男家求婚時先託媒索得女子庚帖兩相配合俗曰合八字并擇期議婚男媒導男家父母及壻抵女家女僮者引女入就座兩方會於一堂俗曰看親看後三日兩相調查家庭狀況相當則定婚否則藉口推却定婚後卽擇期由男媒引男家家長及壻叩拜女家祖父母親戚等俗曰謝恩嗣遇端午中秋節卽具儀往拜曰追節未娶前備送衣物

亦往拜日討茶娶期將屆男家請媒投帖女家通知婚期及期迎娶入宅不親迎結髮擇時拜堂至晚宴賓之餘必鬧房翌晨男家命人陪婿拜於女家曰回門是日親友咸來致賀曰拜喜三日新婦歸甯曰轉三近年多有文明婚禮者有主婚人證婚人介紹人男女賓相集兩方親友於公共屋交換信物填寫證書講演攝影隨即設宴筵酬客不終日而畢事

五娛樂 元日日多操鼓樂饌酒肴停業娛樂且有扮演秧調雜戲者蓋亦古者儺以逐瘟之意流傳漸久寢天真意往往務脂粉其面華麗其服豔詞謠曲徒博金錢亦風俗之亟宜改良者也正月十五既夕孩童均篝花燈為提燈之戲商家亦懸掛紗燈燃放紙炮元日節之娛樂至此夕始告終止端午節插柳於門孩童掛五色線佩荷囊親友以角黍相饋下午商肆多停業置酒肴相歡宴七夕有所巧之會中秋有獻月之文重九有登高之宴與他處同

天水縣志

卷之三

六

蘭州國民印刷局排印

方言

夜 過 昨日也

今 過 今日也

明 早 明日也

臬 卽人家之稱伊之轉音

卍 尤 茲之轉現在之謂也

牛 你們之意似伊渠合音

嗟 凡與人言或與人物之發語詞

嘎 甚之轉音什麼也

俺 追問詞

乍 哩 卽怎麼哩之轉合

優 了 對了夠了之意

至 答 卽此端之轉合

至 哩 卽此裏此處之謂也

務 答 卽外端之轉合

務 哩 卽外裏彼處之謂也

天水縣志 卷之三

阿 答 卽阿端之轉合

阿 哩 卽阿裏何處之謂也

歹 的 字之意

載 卽茲之轉音

外 這 那 二字之意

市 該 歹 卽怎爾之轉怎樣的之謂

市 家 卽怎阿之謂

做 嘎 家 做什麼之謂

恆 順 卽橫豎

邪 順 亦即橫豎之轉如外省人之稱反正有無論如何之意

厂 丫 即把之轉以手持物也

喝 遼 即勿勞之轉不要二字之轉訛

廢 即曹之轉我們之意或謂詩經人說印否印字之轉

饒 去聲照之轉音

照 遠望之謂

傷 臉 羞愧之意

諛 及 倩人也

噉 𠵼 呼人有不敬之意與嘆詞異

天水縣志 卷之三

八

蘭州國民印刷局排印

哨 給人以不當為之事之謂又嗾犬之謂

言 囁 說話也

剗 脰 強攪研之謂

砊 力量也

笙 簧 誣賴人之謂

磳 眼 磳謂小孩頑皮也

吃 力 憂勞不暢也

架 裕 稱背心

砂 銚 即砂鍋之有柄有流者

胡 胡 卽核核之轉果核也

熱 頭 太陽也

胡 麵 小土塊也

蓋 稜 界稜卽田塍也

下 井 水桶也

爺 爺 讀如達達

爹爹爸爸 皆呼父之稱亦有稱伯父曰爹爹叔父曰爸爸者

爺 婆 呼祖父母之稱

阿公阿家 卽阿翁阿姑之轉亦曰公婆

天水縣志

卷之三

九

蘭州國民印刷局排印

澀 後 先後之轉音卽妯娌之意

姪 姪 姨姨也稱母之姊妹

丈丈 母 娘人 岳父母之稱

大 漢 壯年之稱

碎 娃 小孩之意

男 人 頭裏人 均丈夫之謂

女 人 屋裏人 均稱妻之詞

做 活 的 人手夥計 皆呼奴僕之謂

先 生 醫生及瞽而卜筮者之稱 或謂係暹邊二字

斑 斑 稱斑鳩

骨 朵 稱花苞取象兵器之蒜頭骨朵也

老 落 鵝 鵝老鵝之轉 謂鳶

又 又 蛛之轉音 謂蜘蛛

蠍 虎 蜥蜴

長 蟲 蛇

官 人 蜻蜓

窟 窿 稱穴竇

擇 菜 指人之瑕疵

天水縣志

卷之三

饒 市間買物欲其增益曰饒說文饒益也

草 約 以草索束物也集韻一笑切韻會幺笑切音要說文約纏束也

渾 全 稱物之無破敗也

骨 董 物入水聲北里志佛奴指階井曰若逼我不已骨董一聲卽了矣

的 歷 突 盧 眼之視不定也

巴 結 攀延詔諛也

拾 掇 收檢物用也

攬 掇 以言介紹也

萎 蕤 讀若威雖不精彩之謂

毛 謂小如劇角之毛淨稱小偷爲毛賊

馬 謂大 如馬杓

海 多量之謂字典物產富饒爲陸海前漢東方傳所謂天下陸海之地

蓮 菜 稱藕

鬼 蟲 均菲薄人之詞 如窮鬼冷蟲等

黑背子 稱乞丐

呼讀如姑盧子 稱博徒

洋芋 稱馬鈴薯

蕃麥 稱玉蜀黍

天水縣志 卷之三

十一

蘭州國民印刷局排印

敗賴 稱人之亡賴

髑髏 讀如多勞 稱頭

農諺

正月二十五 黃風刮起土 蕎麥壓折股

要知來年麥 先看當年槐

春寒不算寒 驚蟄寒了多半年

立夏種棉花 有花無骷髏

三白在天 脚底不乾 三白在地 死烟霧氣

麥倒無瓢 糜倒斗量

月兒躺 糧價漲 月兒立 糧價底每月朔八古驗

立夏當日叫 糜穀連糠糶 立夏三日叫 糜穀莫人耍謂子規

三九不冷夏不登 中伏不熱秋不成

一年兩頭春 黃米貴似金

春寒四十九 凍的窮人大張口

驚蟄滴一點 九九倒回轉

清明前後 栽瓜種豆

大旱不過二十五

烏豬毀天河 大雨定滂沱

天水縣志

卷之三

蘭州國民印刷局排印

早燒不出門 晚燒千里行陰雨見霞謂之燒宋人詩中亦有早霞不出門晚霞行千里之語

春甲子凍死牛羊 夏甲子椽頭生火 秋甲子遍地行船 冬甲子雪飄萬丈

清明對立夏 牛羊不上山

大暑小暑 泡死老鼠指落雨而言

頭伏雨 伏伏雨 頭伏無雨乾到底

收秋不收秋 全看五月二十六 二十六日滴一點 耀州城裏買大碗

初一初二黃金日 初三初四磨白麵謂四月初一初二若雨則麥苗上有薄土甚黃麥即生病若初三初四下雨則麥成

頭九溫 二九暖 三九四九凍破臉 五九六九沿河看柳 七九八九河邊洗手

臘月八晴 萬物成 臘月八下 棉花搭上架 月八陰沉沉 棉花光棍棍

八月十五天一陰 正月十五雪打燈

重陽無雨看十三 十三無雨一冬乾

八月初一下一陣 有雨直到三伏盡

十月三場霧 曬死來年兔

土已有風梨有蠶 中秋無月蚌無胎

東虹日頭西虹雨 南虹過來發白雨

虹讀如絳

牛打噴嚏蛇過道 斑斑鑽天立見效

謂有雨也斑斑即斑鳩

天上水雲生 地下把繖撐

雲彩扯開峽 有雨喝不下一頓茶

天水縣志

卷之三

十三

蘭州國民印刷局排印

丙不晴 丁光明

丙不漏水丁漏水

壬辰癸巳兩條龍久旱刮怪風

久辛逢庚雨 久雨逢庚晴

十月半 吃不下一頓飯

謂日短也

五月大 龍王爺抬一壩

謂主旱也

頭伏蘿蔔中伏菜 末伏種的是花芥

白露高山麥 寒露種著河壩哩

卷之三終